

〔日本後紀八〕延曆十八年二月乙未贈正三位行民部卿兼造宮大夫美作備前國造和氣朝臣清麻呂○中清麻呂之先出自垂仁天皇皇子鐸石別命三世孫弟彥王從神功皇后征新羅凱旋明年忍熊別皇子有逆謀皇后遣弟彥王於針間吉備界山誅之以從軍功封藤原縣因家焉今分爲美作備前兩國也

〔日本書紀十〕二十二年九月丙戌天皇狩于淡路島○中天皇便自淡路轉以幸吉備遊于小豆島

庚寅亦移居於葉田葉田此鞆守宮時御友別參赴之則以其兄弟子孫爲膳夫而奉饗焉天皇於是看御友別謹惶侍奉之狀而有悅情因以割吉備國封其子等也則分川島縣封長子稻速別是下道臣之始祖也次以上道縣封中子仲彥是上道臣香屋臣之始祖也次以三野縣封弟彥是三野臣之始祖也復以波區藝縣封御友別弟鴨別是笠臣之始祖也即以苑縣封兄浦凝別是苑丘之始祖也即以織部縣賜兄媛是以其子孫於今在于吉備國是其緣也

〔古事記仁德〕天皇之御世爲大后石之日賣命之御名代定葛城部亦爲太子伊邪本和氣命之御名代定壬生部亦爲水齒別命之御名代定馥部亦爲大日下王之御名代定大日下部爲若日下部王之御名代定若日下部

〔日本書紀二十〕三十二年十月癸卯朔大臣○蘇我遣阿曇連阿倍臣摩侶二臣令奏于天皇曰葛城縣者元臣之本居也故因其縣爲姓名是以冀之常得其縣以欲爲臣之封縣於是天皇詔曰今朕則自蘇我出之大臣亦爲朕舅也故大臣之言夜言矣夜不明日言矣則日不晚何辭不用然今當朕之世頓失是縣後君曰愚癡婦人臨天下以頓亡其縣豈獨朕不賢耶大臣亦不忠是後葉之惡名則不聽

〔日本書紀二十四〕元年十二月辛亥蘇我大臣蝦蟇立已祖廟於葛城高宮而爲八僧之儔○中又盡發舉國之民并百八十部曲預造雙墓今來一曰大陵爲大臣墓一曰小陵爲入鹿臣墓望死之後勿使勞人更悉聚上宮乳部之民乳部此役使營兆所於是上宮大娘姬王發憤而歎曰蘇我臣將擅國政多行